

Vorred.

Illustriert, sampt beschreibung/ etlicher schönen beweglichen
 Sonnen Uhren/ Cylinder/ Geometrischen vnd Astronomi-
 schen Quadranten, (vñ also über die 30. neuer auffgerißner
 Figuren/ vnd dero etliche lustige beschreibung vñ außlegung/
 Jekunder vermehrt vnd gebessert hab / das mit einanderem
 nit mind: r/ zu rechtem grund vñnd Fundament Geometri-
 scher kunst / als zu verzeichnuß allerhand gattung Sonnen-
 Uhren dienstlich vnd nohtwendig ist/ wie an einem jeden ort
 bey seiner beschreibung zufinden/ der hoffnung/ es allen kunst-
 begirigen/ mit diser meiner geringfagen Arbeit werde gedie-
 net sein.

Demnach mir dann wol bewußt/ das ihr meine hochch-
 rende / großgünstige Herren / ein sonderbare Affection vnd
 liebe zu den Studiis vnd dero freyen künsten tragend / vnd die
 jenigen/ so die zu lehren lust vñnd begird fassend / in favor
 vnd gunsten auffnehmend/ hab ich mich deßwegen diser frä-
 fentheit angemasset/ euch meinen großgünstigen / wolgemel-
 ten Herren/ dieses schlecht vnd geringe wercklein/ vnder E. W.
 weitberämbten Namen/ in Truck verfertigen zu lassen/ vnd
 mit aller gebühr vnd Reuerentz/ zu Dedicieren, zu zuschrei-
 ben/ vnd zu verehren / mit demütiger fründlicher bitt / an E.
 E. W. solches in aller form von mir auffzunehmen vnd zu
 empfangen / wie ich es dann meinen fürgeliebten Herren
 Schwägeren / præsentieren / auch so weit möglich / von den
 nendischen Zoilideffendern, schützen vnd schirmen helfen/
 wie ich mich dann zu den Herren / sampt vnd sonderlich thue
 versehen / vnd dessen kein zweyffel tragen / beschehen werde/
 Das gegen den hoch: meinen Großgünstigen E. H. vnd ver-
 wandten